

ԱՊՐԻԼԻ 14-Ը «ՎՐԱՑ ԼԵԶՎԻ ՕՐԸ»

ՎԻՐԱՅԱՅՈՑ ԹԵՄԻ «ՅՈՒՑԱՅԱՆՆԵՍ ԹՈՒՄԱՆՅԱՆԻ ՏՈՒՆ» ԿԵՆՏՐՈՆՈՒՄ ՆՇՎԵՑ «ԴԵԴԱԷՆԱՅԻ ՕՐԸ»

Ապրիլի 14-ին, ի նշանավորում «Դեդաէնայի (Մայրենի լեզվի) օրվան», Վիրահայոց թեմի «Յոուցայաննէս Թոմսայանի տուն» գիտամշակութային կենտրոնում, թեմակալ առաջնորդ Տեր Կիրակոս եպիսկոպոս Դավթյանի օրհնությամբ, տեղի ունեցավ գրական-երաժշտական միջոցառում, որին մասնակցում էին թեմի թիվ 103 վրաց-հայկական հանրային դպրոցի (տնօրեն՝ Արշիլ Չխախճե) աշակերտներ՝ ուսուցիչներ Գայանե Պետրոսյանի, Նինո Կորախիճեի ու Նինո Յակոբիճեի առաջնորդությամբ, թիվ 104 հանրային հայկական դպրոցի (տնօրեն՝ Իրինա Ժամկոչյան) սաներ՝ ուսուցիչ Մարետա Շահինյանի ուղեկցությամբ, ուսանողներ, հայ եւ վրացի մտավորականության ներկայացուցիչներ:

Կենտրոնի երկուստեք Գոհար Մազմանյանը, անդրադարձ կատարելով վրաց ժողովրդի դարավոր պատմությանը, ազգի ինքնության պահպանության գործում լեզվի դերակատարությանը, հիշատակեց ազգի այրերի գնահատականը, ըստ որի՝ պետական լեզուն երկրի արժանապատվության չափորոշիչն է:

Միջոցառմանը ելույթ ունեցան Վրաստանի ռադիոհաղորդումների ծայնադարանի ոսկե ֆոնդի ներկայացուցիչ, բանաստեղծ Լիլի Գոգեբաշվիլին, հայագետ, բանասիրական գիտությունների դոկտոր, Չայաստանում Վրաստանի դեսպանության նախկին դիվանագետ Նինո Ափգիաուրին, Վիրահայոց թեմի մամլո խոսնակ Սուսաննա Խաչատրյանը:

Գեղեցիկ եւ բովանդակալից գրական մոտաժենով ելույթ ունեցան թիվ 104 եւ թիվ 103 հանրային դպրոցների սովորողները, իսկ թիվ 62 դպրոցի աշակերտուհի Նատալյա Միր-



գոյանը ներկայացրեց Յոուցայանի «Յին օրհնություն» բանաստեղծությունը՝ վրացերեն, որի թարգմանությունը իր ժամանակին իրականացրել է վրաց բանաստեղծ Իոսեբ Գրիշաշվիլին:

Միջոցառմանը հայկական ու վրացական պարերով հանդես եկան «Վանք», «Ջեյրանի» եւ «Մուշ» պարային համույթները (գեղ. դեկավարներ՝ Լիանա Կաշավանիժե եւ Սվետլանա Երիցյան):

«ՎՐԱՑ ԼԵԶՎԻ ՕՐԿԱՆ» ՆՎԻՐՎԱԾ ԹԵՄԱՏԻԿ ՋԱՆԴԻՊՈՒՄ ԱՆԱԼՔԱԼԱՔԻՈՒՄ

Ապրիլի 14-ին Ախալքալաքի «Ապագայի տանը» տեղի ունեցավ թեմատիկ համընդհանուր միջոցառում՝ «Վրաց լեզվի օրվան»:

Միջոցառմանը ներկա էին Ախալքալաքի մունիցիպալիտետի քաղաքապետ Մելքոն Մակարյանը, սակրեբուլոյի նախագահ Նաիրի Իրիցյանը, փոխքաղաքապետեր Թեյմուրազ Մճեղիժե եւ Մկրտիչ Մղդեսյանը, քաղաքապետարանի մշակույթի, կրթության, հուշարձանների պահպանության, սպորտի եւ երիտասարդության հարցերի ծառայության ներկայացուցիչներ:

Ախալքալաքի «Ապագայի տանը»,



տնօրեն Սաթենիկ Մահեստյանի եւ հանրային դպրոցների ուսուցիչների նախաձեռնությամբ, «Մայրենի լեզվի օրվան» նվիրված միջոցառումներն անցկացվում են ամեն տարի:

ՆԻՆՈՇՄԻՆԴԱՅՈՒՄ ՆՇՎԵՑ «ՎՐԱՑ ԼԵԶՎԻ ՕՐԸ»

Նինոժմինդայի կենտրոնական գրադարանում հանդիսավորությամբ նշվեց «Վրաց լեզվի օրը»: Միջոցառումն իրենց ելույթներով զարդարեցին քաղաքի թիվ 2 հանրակրթական դպրոցի սաները:

- Շնորհավորում են մեր երկրի յուրաքանչյուր քաղաքացու՝ այս նշանավոր օրվա կապակցությամբ: Մայրենի լեզուն ժողովրդի հպարտությունն է, այն մեր կողմից պաշտպանության կարիք ունի,- նշեց քաղաքապետարանի կրթության, մշակույթի, սպորտի եւ երիտասարդության հարցերի ծառայության պետ Լեւոն Վարդանյանը:



ԱՊՐԻԼԻ 14-Ը ՆՇՎԵՑ ՎՐԱՑԱԿԱՆ ԵՐԳՈՎ ՈՒ ՊԱՐՈՎ

Բուլինսի մունիցիպալիտետի Բուլինս-Խաչեն գյուղի հանրային դպրոցում նշվեց «Վրաց լեզվի օրը»:

Աշակերտները ներկայացրին վրաց լեզվի պատմությունը, նշեցին՝ երբ եւ ինչու է այդ

օրը Վրաստանում համարվել «Մայրենի լեզվի օր»:

ՑՈՒՑԱՅԱՆԴԵՍ՝ ՆՎԻՐՎԱԾ «ՎՐԱՑ ԼԵԶՎԻ ՕՐԿԱՆ»

Ապրիլի 14-ին Թբիլիսիի պետական համալսարանի ռեկտոր, ակադեմիկոս Ջաբա Սամուշիան բացեց «Վրաց լեզվի օրվան» նվիրված ցուցահանդես, որտեղ ներկայացված էին պետական լեզվի դերակատարությանը նվիրված վրաց լեզվի գիտական ուսումնասիրություններին: Ցուցահանդեսին ներկայացվեցին նաեւ պետական լեզվի դեպարտամենտի կողմից հատուկ ապրիլի 14-ի իրադարձությունների հետ կապված պատահաներ:



Ցուցահանդեսի բացմանը պետական լսարանի ռեկտորը խոսեց 1978 թվականի ապրիլի 14-ի իրադարձությունների մասին:

- Հենց համալսարանի բակում սկսվեց այն մեծ շարժումը, որը նախատեսում էր վրաց լեզվի պաշտպանությունը: Վրաստանի նորագույն պատմությունը հիմնված է հենց այդ ամսաթվերի վրա: Մեր ժողովուրդը եւ ի մասնավոր մեր ուսանողները պաշտպանեցին պե-

տականության առաջնային խորհրդանիշը՝ վրաց լեզուն,- հայտարարեց Ջաբա Սամուշիան:

Թբիլիսիի պետական համալսարանի գրադարանի եւ պետական լեզվի դեպարտամենտի նախաձեռնությամբ՝ ցուցահանդեսի բացմանը ներկա էին պետական լեզվի դեպարտամենտի նախագահ Գիորգի Ալիբեգաշվիլին, բուհի ներկայացուցիչներ, պրոֆեսորներ ու ուսանողներ:

ԱՆԱԼՑԻՒՆ. ԱՆՑԿԱՑՎԵՑ «ՄԱՅՐԵՆԻ ԼԵԶՎԻ ՕՐԿԱՆ» ՆՎԻՐՎԱԾ ՄԻՋՈՑԱՌՈՒՄ

Ապրիլի 14-ին «Վրաց լեզվի օրվան» նվիրված միջոցառում անցկացվեց Ախալքալաքի մունիցիպալիտետի քաղաքապետարանի հարակից պուրակում:

Հավաքվածներին «Վրաց լեզվի օրվա» շնորհավորանքով դիմեցին Ախալքալաքի մունիցիպալիտետի քաղաքապետ Իրակլի Լազարաշվիլին, սակրեբուլոյի նախագահ Դավիթ Լոմիժեն, Սամցխե-Ջավախեթի պետական համալսարանի ասոցիատիվ պրոֆեսոր, բանասիրության դոկտոր Վախթանգ Ինճուրին:



«Վրաց լեզվի օրվան» նվիրված միջոցառմանը ելույթ ունեցան երգի-պարի տեղական համույթները, թատերախմբերը:

ՍԱԼՈՍԵ ԶՈՒՐԱԲԻՇՎԻԼԻ. «ՄԵՐ ԲԱՅԱՌԻԿ ՄԱՅՐԵՆԻ ԼԵԶՈՒՆ ՄԵՐ ՄԻՎՈՐՄԱՆ ՈՒԺՆ ՈՒ ԷՆԵՐԳԻԱՆ Է»

Վրաստանի նախագահ Սալոմե Զուրաբիշվիլին, «Վրաց լեզվի օրվա» կապակցությամբ, հանդես եկավ շնորհավորական ուղերձով, որտեղ մասնավորապես ասված է.

«Մեր բացառիկ մայրենի լեզուն մեր միավորման ուժն ու էներգիան է: Քառասունվեց տարի առաջ՝ 1978 թվականին խորհրդային իշխանությունն ընդունեց որոշում՝ միութենական հանրապետություններում տեղական լեզուն զրկել պետական լեզվի կարգավիճակից եւ միայն ռուսերենին վերապահել պետական լեզվի կարգավիճակը: Սահմանադրական համապատասխան փոփոխությունը 1978 թվականի ապրիլի 14-ին պետք է ընդուներ Վրաստանի գերագույն խորհուրդը, բայց այդ օրը Ռուսթավելու պողոտայում հազարավոր մարդիկ անցկացրին բողոքի ցույց: Ցուցարարների մեծ մասը երիտասարդներ էին. իրավիճակը սրվում էր, եւ խորհրդային Միության ղեկավարությունը ստիպված եղավ զիջել:

Ապրիլի 14-ը հռչակվեց «Մայրենի լեզվի օր»:




Ինչպես նշում են պատմաբանները, անցյալ դարի 80-ական թվականների ազգային շարժման վերելքի առաջին հզոր ազդակը հաղորդեց 1978 թվականի ապրիլի 14-ը,- ասված է նախագահի ուղերձում:

ՀԱՐՑ - ՊԱՏԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԱՌՈՂՋԱՊԱՀՈՒԹՅՈՒՆ

ԱՏՈՄԱՏԻՏ՝ ԱՏԱՄՆԱՑԱՎԻՆ ՆԱԽՈՐԴՈՂ ՀԻՎԱՆԴՈՒԹՅՈՒՆ

Նկատել են կծու կամ թթու ուտելուց հետո բերանումս ան-
տանելի ցավեր են առաջա-
նում: Տպավորությունն այնպի-
սին է, կարծես բոլոր ափամ-
ները ցավում են: Բժիշկներն
ասացին, որ դա ստոմատիտ
է բերանի լորջաթաղանթի հի-
վանդություն: Ասացին նաև, որ կան դրա բուժման տնա-
յին միջոցներ: Իրո՞ք այդպես է:
Ա.ՄՆԱՑԱՎԱՆՅԱՆ
Բայրումի



Ստոմատիտներ են կոչվում
բերանի լորձաթաղանթի հի-
վանդությունները, որոնք բնու-
թագրվում են շուրթերի ու այ-
տերի ներքին մակերեսներին
խոցերի առաջացմամբ: Ցավը
հանգստացնելու եւ խոցերի
ապաքինումն արագացնելու
շատ մեթոդներ կան: Ահա դրան-
ցից մի քանիսը:

Օրվա մեջ մի քանի անգամ,
հատկապես ուտելուց հետո, բե-
րանը պետք է տաք, մաքուր
ջրով լավ ողողել:

Լճիկներին հալվելի հյուսիս
քսել կամ պարզապես ծամել

դրա տերեւները:

Հիվանդության նախնական
փուլում կօզնի 50 տոկոսանոց
ակնամոմի թուրմը: Դրա համար
նախ պետք է ցավոտ հատվա-
ծը լվանալ ջրածնի հիդրօքսի-
դով, չորացնել տաք օդով (վար-
սահարդարիչով), հետո՝ խոցի
վրա կաթեցնել ակնամոմի թուր-
մը, նորից չորացնել՝ մինչև մո-
մե թաղանթ առաջանալ:

Պատրաստել զազարի թարմ
հյութ՝ 1:1 հարաբերությամբ,
խառնել եռացրած ջրի հետ, բե-
րանը օրական 3 անգամ այդ
հյութով ողողել:

ՀԵՏԱՔՐԵՐ Է

2781 ՄԻԼԻԱՐԴԱՏԵՐ՝ 14,2 ՏՐԻԼԻՈՆ
ԴՈԼԱՐ ԸՆԴՀԱՆՈՒՐ ԿԱՐՈՂՈՒԹՅԱՄ



Թերթերում եւ հե-
րուստապետությանը
երբեմն տեղեկատվու-
թյուն է ներկայացվում
աշխարհում ամենա-
հարուստ մարդկանց
մասին, թեև ոչինչ չի
ասվում միլիարդա-
ւորների թվի, նրանց
գումարային կարողության, ինչպես նաև այն երկրների
մասին, որտեղ ապրում են ամենահարուստ մարդիկ:
Գ.ՎԱՐԴԱՆՅԱՆ
Նինոսմինդա

Ամերիկյան Forbes ամսա-
գիրը, սովորաբար, հրապարա-
կում է ամենամյա տեղեկատ-
վություն՝ աշխարհի միլիարդա-
տերերի վերաբերյալ: Նման տե-
ղեկագիր հրապարակվեց նաև
վերջերս, ըստ որի՝ մոլորակի
միլիարդատերերի ընդհանուր
կարողությունը կազմում է 14,2
տրիլիոն դոլար, ինչը 2 տրիլիո-
նով ավելի է մեկ տարի առաջ-
վա ցուցանիշից եւ 1,1 տրիլիո-
նով ավելի, քան 2021 թվակա-
նին գրանցված նախորդ ձեկոր-
ը: Դրա հետ մեկտեղ, աշխար-
հում միլիարդատերերի թիվը
հասել է նոր ձեկորդի՝ 2781-ի՝
մեկ տարի առաջվա 2640-ի հա-
մեմատ, ինչը 26-ով ավելի է 2021
թվականին գրանցված նախորդ
ձեկորդից:

Ըստ Forbes-ի՝ աշխարհի
ամենահարուստ մարդը պե-
րանի իրեր արտադրող ֆրան-
սիական LVMH (LVMH Moet
Hennessy Louis Vuitton) ըն-
կերության սեփականատեր
Բեռնար Առնոն է, ում կարո-
ղությունը գնահատվում է 233
միլիարդ դոլար: Մեկ տարի
առաջ այն կազմում էր 211 մի-
լիարդ դոլար:

Երկրորդ տեղում մնում է
ծեռնարկատեր Իլոն Մասկը,
որի կարողությունը մեկ տարի
առաջվա 180 միլիարդից հա-
սել է 195 միլիարդի:

Վարկանիշային աղյուսա-
կի երրորդ տեղը կրկին զբա-
ղեցնում է Ջեֆ Բեզոսը: Amazon-
ի հիմնադրի կարողությունը
194 միլիարդ դոլար է, մեկ
տարի առաջ նրա կարողու-
թյունը գնահատվում էր 114
միլիարդ դոլար:

Միլիարդատերերի թվով առա-
ջատարը ԱՄՆ-ն է: Այնտեղ կա
813 միլիարդատեր՝ 5,7 տրիլիոն
դոլար ընդհանուր կարողու-
թյամբ: ԱՄՆ-ին հաջորդում է Չի-
նաստանը, որտեղ կա 473 մի-
լիարդատեր՝ 1,7 տրիլիոն դո-
լար կարողությամբ: Երրորդ տե-
ղում Հնդկաստանն է՝ 200 մի-
լիարդատերերով:

Forbes ամսագրի հրապա-
րակած 2024 թվականի աշխար-
հի ամենահարուստ մարդկանց
ցուցակի համաձայն՝ Վրաստա-
նի կառավարող «Վրացական
երազանք» կուսակցության պատ-
վավոր նախագահ, նախկին վար-
չապետ եւ կուսակցության հիմ-
նադիր Բիծինա Իվանիշվիլին
զբաղեցրել է 624-րդ տեղը: Նրա
ունեցվածքը գնահատվում է 4,9
մլրդ ԱՄՆ դոլար: Այս ցուցա-
նիշը նույնն էր նաև 2023 թվա-
կանի տվյալներով: Իվանիշվի-
լուց առաջ 581-րդ տեղում է մեկ
այլ վրացի՝ գործարար Միխեիլ
Լոմթաձեն, որն աշխատում է
Ղազախստանում եւ ունի 5,2
մլրդ դոլար ունեցվածք:

ԻՆՉՊԵՍ ԵՐԵԽԱՅԻՆ ՍՈՎՈՐԵՑՆԵԼ
ԴՐԱՄԱՅԻՆ ԱՅԲՈՒԲԵՆԸ

Հոգեբանները վստահ են, որ դրամային այ-
բուրենը պետք է ուսումնասիրել վաղ տարի-
քից, քանի որ 5-6 տարեկանում երեխան ար-
դեն ընդունակ է սկսել հասկանալ ի՞նչ է փո-
ղը եւ ինչպես վարվել դրա հետ: Ստորեւ
ներկայացնում ենք փողի հետ վարվելու ամե-
նալավ տարբերակները տարբեր տարիքային
խմբերի համար:

Բոլորը կհամաձայնեն այն պնդման հետ, որ
ֆինանսական գրագիտության դասերը, նախառաջ,
մարդկանց սովորեցնում են գրագետ տնօրինել
սեփական ֆինանսները, ճիշտ պլանավորել
ծախսերը, իրականացնել դրամական գործառ-
նություններ, նվազագույնի հասցնել կորուստ-
ները եւ այլն:

Երեխաներն, իհարկե, դեռ մինչև վերջ չեն ըն-
կալում փողի բնույթը, բայց շատ արագ են հաս-
կանում, որ այդ թղթիկներում զարմանալի ուժ է
ամփոփված: Մայրիկը կամ հայրիկը այդպիսի թղ-
թիկ կտա խանութի վաճառողին եւ փոխարենը
կգնի շատ հրաշալի իրեր՝ խաղալիքներ կամ
քաղցրավենիք:

Սակայն, ծնողները ոչ միշտ կարող են երե-
խաների համար թանկարժեք խաղալիք գնել, այդ
պատճառով փողերիկն պետք է բացատրել, որ
որոշ գնումներ իրենց գրպանին հարմար չեն, որ
գումարը միշտ չէ, որ բավարար է, եւ որ ընտր-
ված իրերը կարելի է գնել, բայց ոչ հենց հիմա,
այլ ժամանակի ընթացքում գումար խնայելու
դեպքում: Իմացեք նաև՝ ինչպես խնայել գումար
ավանդի միջոցով:

Այսինքն, ֆինանսական գրագիտության այ-
բուրենը ծնողները կարող են սովորեցնել իրենց
փոքրիկներին արդեն վաղ տարիքում:

1. ԻՆՉ Է ՄԵՐ ԿՅԱՆՔԸ, ԽԱՂ...

5-6 տարեկան փոքրիկներին փողի հետ վար-
վել սովորեցնելու ամենալավ տարբերակը
խաղն է:

Օրինակ՝ դուստրը ուզում է ուսուցչուհի
դառնալ եւ սիրում է իր տիկնիկների հետ «դպ-
րոց-դպրոց» խաղալ: Հրաշալի է: Առաջարկեք
նրան դպրոցական պարագաներ գնել իր «աշա-
կերտների» համար: Նման խաղեր կարելի է
հորինել տարբեր դեպքերի համար՝ կախված
երեխայի հետաքրքրությունից ու սեռից: Գլ-
խավորը՝ նա ընդունի խաղի կանոնները եւ հե-
տաքրքիր լինի:

Փողերի աշխարհի հետ երեխային ծանոթաց-
նելու միջոցներ են նաև տարբեր, արդեն իսկ բո-
լորին հայտնի խաղերը՝ «Մոնոպոլիա», «Միլիար-
դատեր», «Սուպեր ֆերմեր»:

2. «ԳՐԱՄԱՆ» ԾԱՆՍԵՐԻ ԳՈՒՄԱՐ

6-7 տարեկանում երեխան դառնում է դպրո-
ցական, եւ ծնողները նրան սովորաբար տալիս
են «գրպանի» ծախսերի համար մանրադրամ:
Շատ կարելի է երեխայի հետ քննարկել տրա-
մադրվող գումարի չափը, ինչպես նաև՝ պայմա-
նավորվել գումար տրամադրելու կոնկրետ ժա-
նկետների շուրջ:

Սկզբում երեխային կարելի է օրական տալ
փոքր գումար, իսկ հետո՝ 2-3 օրը մեկ:

Կարելի է հետեւել, թե ինչպես եւ ինչի վրա
է նա այդ գումարը ծախսելու: Գուցե նա անգամ
սկսի որոշ գումար խնայել: Այդ դեպքում հարկա-
վոր է երեխային գովել փողի նկատմամբ հոգա-
տր վերաբերմունքի համար եւ բացատրել նման
գործողությունների օգուտը:

ԹԵՎԱՎՈՐ ՄՏՔԵՐ

Չեմպիոն մարզասրահում չեն դառնում:
Չեմպիոն դառնալու ուղին սկիզբ է առնում հո-
գու խորքից: Այն սկսվում է ցանկությունից, երա-
զանքից եւ սեփական հաջողության հստակ
պատկերացումից:

ՄՈՒՀԱՄԵՂ ԱԼԻ

Հնարավոր չէ հաղթել նրան, ով չի հանձն-
վում:

ԲԵՅՅ ՌՈՒՅ

Հեռու մնացեք փոքրոգի մարդուկներից,
որոնք փորձում են ձեզ գրկել արժանապատ-
վությունից: Ավելի լավ է ընկերություն անել մե-



3. ՖԻՆԱՆՍԱԿԱՆ ԿԱՐԳԱՊԱՀՈՒԹՅԱՆ ՀՄՏՈՒ-
ԹՅՈՒՆՆԵՐԸ

8-9 տարեկանում ձեր որդին կամ դուստրը
պետք է արդեն կարողանան փոքր գնումներ կա-
տարել ձեր տված գումարով: Բացառված չէ, որ
նրանք միանգամից կծախսեն ողջ գումարը եւ
կպահանջեն կրկին գումար տալ:

Այստեղ հարկավոր է տեղի չտալ, չորվել ժա-
մանակից շուտ ֆինանսավորելու գալթակղու-
թյանը: Չէ՞ որ դուք պայմանավորվել եք, որ տր-
ված գումարը նախատեսված է որոշակի ժամա-
նակահատվածի համար: Թող երեխաները սովո-
րեն պահել խոստումը, հետեւել պայմանավոր-
վածությանը: Այդպես նրանք կսովորեն ֆինան-
սական կարգապահություն:

4. ՎԱՍՏԱԿԻՐ ԻՆՔՂ

10-12 տարեկանում երեխաներն արդեն կա-
րող են մասնակցել ընտանեկան բյուջեի պլանա-
վորմանը: Նրանց պետք է ցույց տալ, թե ինչպես
են ձեւավորվում ընտանեկան եկամուտներն ու
ծախսերը, որքան գումար է գնում բնակարանի
վարձի, սննդամթերքի, հագուստ-կոշիկեղենի եւ
որքան՝ ժամանցի ու խաղալիքների: Իմացեք
նաև բյուջեի վարելու ձևը:

10-12 տարեկանում երեխաների համար օգ-
տակար է թեկուզ չնչին գումար ինքնուրույն վա-
ստակել: Կտրականապես չի կարելի վճարել երե-
խաներին դպրոցում ստացած լավ գնահատա-
կանների կամ ծնողներին տանն օգնելու համար:

5. ՊԼԱՆԱՎՈՐՄԱՆ ՀԻՄՔԵՐԸ

Երեխան մեծանում է, սկսում մտածել իր ապա-
գա մասնագիտության մասին: Նրա հետ արդեն
կարելի է լուրջ խոսել իր պլանների մասին, միա-
սին համացանցում գտնել եւ քննարկել տեղե-
կություններ այն մասին, թե որքան է միջինը վա-
ստակում իր ընտրած մասնագիտության ներկա-
յացուցիչը:

Դեռահասի հետ արդեն կարելի է խոսել նաև
չնախատեսված ծախսերի մասին, որոնք սպա-
սում են նրան ապագայում:


6. ՊՈՏՅԱՎԿՏՈՒՄ

Անկասկած, ֆինանսական դաստիարակու-
թյան ընթացքն այդքան էլ դյուրին չէ, ինչպես
կարող է թվալ: Բացի այդ, բազմաթիվ ծնողներ
իրենք եւս այդքան գիտելիքներ չունեն այդ ոլոր-
տում եւ կարող են սխալվել: Միավերջից ոչ ոք
ապահովագրված չէ, բայց, այնուամենայնիվ,
փորձեք դրանցից խուսափել: Ավելի շատ վս-
տահեք ձեր երեխաներին եւ մի՛ կասկածեք նրանց
ունակություններին: Սկզբունքորեն, ձեր երեխա-
ները ձեր «անվտանգության բարձիկն են»՝ բո-
լոր հետեւանքներով:

Ժառանգի մարդկանց հետ, որոնք
կարող են ձեզ ստիպել՝ զգալ
սեփական ոգու վեհությունը:

ՄԱՐԿ ՏՎԵՆ

Դժվար է պահպանել հանգս-
տությունը, երբ ոչ մեկը չի փոր-
ձում քեզ հավասարակշռությու-
նից դուրս բերել: Ակամա սկսում
ես նյարդայնանալ:



Ա.ՍՈՒՐԱԳՅԱՆ
«Վրաստանի» ընթերցող

Թրիլիսի

ՀԱՅԱՍՏԱՆ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՀԱՅԱՍՏԱՆ - ՂԱԶԱԽՍՏԱՆ. ԱՏՈՐԱԳՐՎԵՑԻՆ ՏԱՐԲԵՐ ՈԼՈՐՏՆԵՐՈՒՄ ՀԱՄԱԳՈՐԾԱԿՑՈՒԹՅԱՆ ՓԱՍՏԱԹՂԹԵՐ

Ապրիլի 15-ին, պաշտոնական այցով, Երեւանում էր գտնվում Ղազախստանի նախագահ Կասիմ-ժոմարտ Տոկաևը: Այցի շրջանակներում Ղազախստանի ղեկավարը հանդիպումներ ունեցավ Հայաստանի վարչապետ Նիկոլ Փաշինյանի, նախագահ Կախազն Խաչատուրյանի, Ազգային ժողովի նախագահ Ալեն Սիմոնյանի հետ, այցելեց հին ձեռագրերի թանգարան՝ Մատենադարան:

Հայաստանի վարչապետ Նիկոլ Փաշինյանի եւ Ղազախստանի նախագահ Կասիմ-ժոմարտ Տոկաևի առանձնազրույցին հաջորդեց ընդլայնված կազմով հանդիպումը:

Զրուցակիցները քննարկեցին Հայաստան-Ղազախստան համագործակցության օրակարգային մի շարք հարցեր: Անդրադարձ կատարվեց տարածաշրջանում տեղի ունեցող գործընթացներին: Մտքեր փոխանակվեցին երկուստեք հետաքրքրություններ կայացնող այլ հարցերի շուրջ:

Երեւանում տեղի ունեցած հանդիպումից հետո՝ Ղազախստանի նախագահ Կասիմ-ժոմարտ Տոկաևը եւ Հայաստան-



նի վարչապետ Նիկոլ Փաշինյանը ստորագրեցին համատեղ հայտարարություն:

Բացի այդ, ստորագրվեցին տարբեր ոլորտներում երկուող համագործակցության փաստաթղթեր, մասնավորապես, Երեւանում ու Աստանայում քաղաքներ հռչակելու մասին համաձայնագիրը:

ՆԻԿՈԼ ՓԱՇԻՆՅԱՆ. «ԴՊԵՏՔ Ե ԱՍԵՆՔ» «ՎԱՅ, ԱՊՐԵՑՁԱՆԸ 50 ՄԵՏՐՈՒՄ Է», ԱՅԼ ԴԵՏՔ Ե ԱՍԵՆՔ՝ «ԼԱՎ Է, ՈՐ ԱՊՐԵՑՁԱՆԸ 50 ՄԵՏՐ ՀԵՌԱՎՈՐՈՒԹՅԱՆ ՎՐԱ Է», ԱՅՆՏԵՂ ԱՌԵՎՏՈՒՐ ԿԱՆԵՆՔ, ՏՆՏԵՍՈՒԹՅՈՒՆԸ ԿԿԱՌՈՒՅԵՆՔ»



ԱՊՐԵՑՁԱՆԻ ՀԵՏ ՍԱՀՄԱՆԻ ՍԱՀՄԱՆԱԶԱՏՈՒՄՆ ԱՆՀՐԱԺԵՇՏ Է, ՈՐՊԵՏՁԻ ՀԱՅԱՍՏԱՆԸ ՂԱՌՆԱ ԱՆԿԱԽ ՊԵՏՈՒԹՅՈՒՆ

«Զայեց է ասենք՝ «Վայ, Արբեցանը 50 մետր հեռավորության վրա է, այլ պետք է ասել՝ «Լավ է, որ Արբեցանը 50 մետր հեռավորության վրա է, այնտեղ առևտուր կանենք, տնտեսությունը կկառուցենք»,- այս մասին հայտարարել է Հայաստանի վարչապետ Նիկոլ Փաշինյանը՝ Տավուշի մարզում տեղի բնակիչների հետ հանդիպման ժամանակ:

Ըստ Հայաստանի կառավարության ղեկավարի՝ երաշխավորել, որ իրավիճակը կլինի այդպիսին՝ 100 տոկոսով, նա չի կարող, բայց քայլառքայլ հնարավոր է հասնել 90 եւ ավելի տոկոսի:

Նիկոլ Փաշինյանի խոսքով, եթե նման քայլեր չձեռնարկվեն, ապա հնարավոր է, տարածաշրջանում մոր ժայթքում:

- Իրավունք կա, օրենք կա, գիծ կա, գնանք այս գծի վրա կանգնենք: Այս գծի վրա կանգնելով, մենք 100 ամբողջական վերականգնվում ենք, քան՝ այսօր: Խոսքը փոխզիջումների մասին չէ, մենք խոսում ենք Հայաստանի Հանրապետության՝ որպես պետության հարյուրապատիկ

հզորացման մասին: Արմավիրի մարզի Մարգարա գյուղում թուրքիան եւ թուրքական զորքերը գտնվում են տներից 50 մետր հեռավորության վրա, մեր նպատակն է՝ Տավուշում նման իրավիճակ ստեղծելը,- ասել է Նիկոլ Փաշինյանը:

Միաժամանակ, Հայաստանի վարչապետը համաձայնել է գյուղի բնակիչներից մեկի հայտարարությանը, թե՝ «թուրքերին չի կարելի վստահել»:

- Դուք ճիշտ եք: Եվ դրա համար բոլորս ցանկանում ենք դա անել: Մենք ուզում ենք փաստաթուղթ, որը պարունակում է փոխադարձ պարտավորություններ: Եթե դա չանենք, հարյուր տո-

կոսով կարող ենք ասել, որ չենք կարողանա անվտանգությունը ապահովել: Քանի որ գործընթացը շարունակվում է, իմ լավատեսությունը մեծանում է: Եթե այս ճանապարհով չգնանք, ոչ մի բանի չենք հասնի, բայց այսպիսով մենք շատ լավ հնարավորություններ ունենք եւ ինքքան վստահ լինենք, այնքան ավելի հավանական է, որ ինչ-որ բանի հասնենք,- ասել է Նիկոլ Փաշինյանը:

Տեղի բնակիչների հետ հանդիպմանը՝ Հայաստանի վարչապետը նշել է նաեւ, որ Արբեցանի հետ սահմանի սահմանազատումն անհրաժեշտ է Հայաստանը անկախ պետություն դառնալու համար:

- Գալիս է մի պահ, երբ պետք է քեզ գոհաբերես հանուն հայրենիքի, երկրի: Դուք պետք է իմանաք, թե ինչու եք դա անում: Ես գիտեմ, թե ինչու եմ դա անում, ես դա անում եմ, որ Հայաստանի Հանրապետությունը դառնա անկախ պետություն,- ասել է Նիկոլ Փաշինյանը:

ՀԱՅԱՍՏԱՆԻ ԱՌԱՋԻՆ ՕԳՆՈՒԹՅՈՒՆԸ՝ ԵՎՐԱՄԻՈՒԹՅԱՆ «ԽԱՂԱՂՈՒԹՅԱՆ ՀԻՄՆԱԴՐԱՄԻՑ»

Բոլորսելում նախնական համաձայնություն է ձեռք բերվել՝ Եվրամիության խաղաղության հիմնադրամից Հայաստանին օգնություն տրամադրելու շուրջ, Եվրամիությունը նախատեսում է Երեւանին 10 միլիոն եվրո հատկացնել, որը պետք է ծախսվի 30 ամսվա ընթացքում:

Գումարը պետք է տրամադրվի՝ մեկ գումարտակի համար նախատեսված դաշտային մոդուլային ճամբար ստեղծելու համար, որը կներառի նաեւ մեկ բժշկական օգնության ամբուլատորիա, ինչպես նաեւ՝ համապատասխան ծառայություններ ու կարողություններ:

«Այս աջակցության նպատակն է նպաստել, որ Հայաստանի զինված ուժերը բարձրացնեն դիմադրողականությունն ու կայունության հաստատմանն ուղղված կարողությունները, եւ դրանով իսկ առավել լավ պաշտպանեն խաղաղ բնակչությանը՝ ճգնաժամների եւ արտակարգ պատահարների ժա-

մանակ»,- ասված է հիմնադրամի կողմից տրամադած հաղորդագրության մեջ:

Եվրամիության այս հիմնադրամը ստեղծվել է 2021-ին: Նպատակն է՝ միջոցներ տրամադրել, որոնցով կգնվեն ոչ մահաբեր զինատեսակներ կամ կարողություններ՝ աշխարհի տարբեր ծայրերում խաղաղությանը նպաստելու, հակամարտությունները կանխելու եւ միջազգային անվտանգությունն ամրապնդելու համար:



ՀԱՅԱՍՏԱՆՅԱՆ ԴՐԱՄԸ ԱՐԺԵՎՈՐՎՈՒՄ Է

Համաշխարհային բանկի հրապարակած Հայաստանի տնտեսական զարգացման ամփոփագրում նշված է, որ Հայաստանի դրամի զգալի արժեւորում է գրանցվել 2024 թ. մարտին՝ տարեսկզբից գրանցված փոխարժեքի կայունության որոշակի ժամանակահատվածից հետո. մարտին ԱՄՆ-ի դոլարի նկատմամբ՝ Հայաստանի դրամն արժեւորվել է 2,7 տոկոսով:

«Տարեսկզբից մինչ օրս գրանցված հաշվեկշռում գրանցվել է 3,8 միլիարդ Հայաստանի դրամ հավելուրդ, ինչը պայմանավորված է հունվարին բյուջեի գերազանցված կատարողականով: Ծախսերն ավելացել են 34,7 տոկոսով, ինչը հիմնականում պայ-

մանավորված է կապիտալ ծախսերի գրեթե հնգապատիկ ավելացմամբ (կրկնապատկվել են հատկացումները պաշտպանական ոլորտին) եւ փախստականներից օգնելու նպատակով՝ սոցիալական ոլորտին հատկացումների 47 տոկոս ավելացմամբ»,- աս-

ված է ամփոփագրում:

Համաշխարհային բանկի ամփոփագրում նաեւ նշվում է, որ մարտին գրանցվել է զգնել 1,2 տոկոս անկում: Սա պայմանավորված է եղել պարենային գների 5,6 տոկոս անկմամբ:

Ինչ վերաբերում է արտահանմանը, ապա ամփոփագրում ընդգծվում է, որ արտահանման աճը պահպանվել է բացառիկ բարձր մակարդակով՝ պայմանավորված ոսկու եւ թանկարժեք զարդերի արտահանման բարձր ծավալներով:

ՂԱԿԻԹ ԳՅՈՒՐԳԻՆՅԱՆԸ՝ ԵՐԵՎԱՆԻ ԲՐՅՈՒՍՈՎԻ ՀԱՄԱԼՍԱՐԱՆԻ ՌԵԿՏՈՐ

Հայաստանի կառավարությունը հաստատեց Դավիթ Գյուրջինյանին Վալերի Բյուրջինյանի անվան պետական համալսարանի ռեկտորի պաշտոնում: Նշենք, որ Դավիթ Գյուրջինյանն ընդգրկվել է 5 տարի ժամկետով:



Դավիթ Գյուրջինյանը շնորհակալություն հայտնեց համալսարանի հոգաբարձուների խորհրդին, փոխվարչապետ Տիգրան Խաչատրյանին, ԿԳՄՍ նախարար Ժաննա Անդրեասյանին, որ օգնեցին իրեն համալսարանը ձգնաժամից դուրս բերելու հարցում:

ՀԱՅԱՍՏԱՆԻ ԵՐԿՈՒ ԱՐԲԱՆՅԱԿՆԵՐԸ՝ ՄԱԿ-Ի ԲԱՅ ՏԻԵՂԵՐԸ ԱՐՁԱԿԱՏ ՕՐԵՎԵՐՆԵՐԻ ՅՈՒՅԱԿՈՒՄ

Հայաստանի 2 արբանյակները, 2024թ. մարտի 27-ին, վերջապես գրանցվել են ՄԱԿ-ի բայ տիեզերք արձակած օբյեկտների գրանցամատյանում: Խոսքը վերաբերում է «Արմասթ 1» եւ արբանյակային տվյալների ընդունիչ կայան «Գեոկոսմոս»-ին, որը տիեզերք է դուրս բերվել 2024 թվականի հունվարին:

ՀԱՅԱՍՏԱՆԻ ՊԱՇՏՈՆԱԿԱՆ ՏԱՂԱՎԱՐ՝ ՎԵՆԵՏԻԿԻ ԱՐՎԵՍԻ ՄԻՋԱԶԳԱՅԻՆ ԲԻՆԱԼԵՆԻ

Վենետիկի արվեստի միջազգային 60-րդ փենալեի Հայաստանի պաշտոնական տաղավարը, որը գտնվում է «Մագազինո դել սալե» հարթակում, պատրաստվում է ընդունել այցելուներին: Տաղավարի բացման արարողությանը մասնակցելու նպատակով՝ Վենետիկում են գտնվում ՀՀ ԿԳՄՍ նախարարի տեղակալ Դանիել Դանիելյանը եւ ժամանակակից արվեստի վարչության պետ Սվետլանա Սահակյանը, որը նաեւ Հայաստանի պաշտոնական տաղավարի համակարգողն է: Ապրիլի 17-ին նախարարի տեղակալ Դանիել Դանիելյանը շրջել է տաղավարով, քննարկել կազմակերպչական մի շարք հարցեր: Հայաստանի տաղավար է այցելել նաեւ Վենետիկի արվեստի միջազգային 60-րդ փենալեի ժյուրին՝ ներկայացված նախագծին ծանոթանալու նպատակով: Տաղավարը լայն հանրության համար բաց կլինի ապրիլի 20-ից նոյեմբերի 24-ը: Հայաստանի պաշտոնական տաղավարը ներկայացնում է ֆրանսահայ արվեստագետ Նինա Խենյանը՝ «Արշազանք» մուլտիմեդիա նախագծով, որի համադրողը Գաֆեսյան արվեստի կենտրոնի ցուցադրության բաժնի տնօրեն Արմեն Եսայանցն է:



ԱՎՏՈՎԹԱՐ, ՉՈՂՎԵԼ Է 4 ԵՎ ՎԻՐԱՎՈՐՎԵԼ 20 ԶԻՆՏՈՒՅՈՒՂ

Հայաստանի պաշտպանության նախարարության N զորամասի զինծառայողներին տեղափոխող «Ուրալ» մակնիշի ավտոմեքենան, ապրիլի 12-ի ժամը 15:25-ի սահմաններում, դեռեւս չպարզված հանգամանքներում դուրս է եկել ճանապարհի երթեւեկելի հատվածից եւ հայտնվել հարակից չորակի տարածքում: Տեղի ունեցած վթարի հետեւանքով զոհվել է 4, վիրավորել 20 զինծառայող, որոնցից մեկի վիճակը գնահատվում է ծայրահեղ ծանր, մյուսներն ունեն ծանր, միջին ու թեթեւ ստորիճանի վնասվածքներ:

ԵԿԵՂԵՑԱԿԱՆ

ԱՊՐԻԼ

28.04.2024 Սուրբ Խաչի երեւման տոն

351 թվականին, ցերեկվա ընթացքում, Գողգոթայից մինչեւ Չիթենյայց լեռը Երուսաղեմի երկնքում երեւում է մի լուսե Խաչ: Այդ զարմանահրաշ դեպքի մասին Երուսաղեմի Կյուրեղ եպիսկոպոսը նամակ է գրում Կ. Պոլսի Կոստանդ կայսերը՝ երեւույթը համարելով ուղղափառ դավանության ճշմարտության ապացույց: Կյուրեղ Երուսաղեմացին հորդորում է Կոստանդ կայսերը՝ հրաժարվել արիոսականների պաշտպանելուց:

Երուսաղեմի Կյուրեղ եպիսկոպոսի նամակը թարգմանվել է հայերեն եւ ամեն տարի ընթերցվում է Սր. Խաչի երեւման տոնին:

Հայ Առաքելական Եկեղեցին Սր. Խաչի տոնը տոնում է Ջատիկից 28 օր հետո: Սր. Հարության տոնի շարժականության պատճառով՝ Սր. Խաչի երեւման տոնը կարող է նշվել ապրիլի 19-ից մինչեւ մայիսի 23-ն ընկած ժամանակահատվածում:

ԵՎՐԱՏԵՍԻԼ - 2024

ՎՐԱՍՏԱՆԻ ՆՈՒՅՈՒՆ ԲՈՒՋԱԼԱՅԵՆ ԵՎ ՀԱՅԱՍՏԱՆԵԱՆ «ԱՐԱՆԻՎԱ» ԽՈՒՄԲԸ ԵՐԳԻ ՓԱՐԱՏՈՒՆԵՆ

Շվեդիայի Մալմյո քաղաքի Մալմյո Արենայում Եվրատեսիլ երգի մրցույթը կանցկացվի մայիսի 7-ին, 9-ին եւ 11-ին:

Մրցույթի վիճակահանությունը կայացել է «Եվրատեսիլ-2024»-ը հյուրընկալող քաղաք Մալմյոյում:

Ըստ վիճակահանության Վրաստանը ներկայացնող Նուցա Բուզալաձեն եւ Հայաստանը ներկայացնող «Լադանիվա» (Ժակլին Բադախյան) ու Լուի Թոմասը խոնարհ համոզեց կզան փառատոնի երկրորդ կիսաեզրափակիչ փուլում:

ՄՊՈՐՏ

ՆԻՆՈՇՄԻՆԴԱՑԻ ԱՐՄԱՆ ԾԱՌՈՒԿՅԱՆԸ՝ UFC-300-Ի ԴԻՎԻԶԻՈՆԻ ՉԵՄՊԻՈՆԻ ՀԱՎԱԿՆՈՐԴ

Նինոծմինդայի մունիցիպալիտետի Արագյալ գյուղից Հայաստանը ներկայացնող բռնցքամարտիկ Արման Ծառուկյանը, Լաս Վեգասում խառը մենամարտերի UFC 300-ի շրջանակներում, հաղթեց բրազիլացի մարզիկ Չարլզ Օլիվեյրային:

Ծառուկյանը, մրցելով Օլիվեյրայի հետ, հակառակորդին զիջել է միայն առաջին ռաունդում՝ առավելության հասնելով հաջորդ երկուսում:

Հաջորդ մենամարտը Ծառուկյանը կանցկացնի դիվիզիոնի չեմպիոն Իսլամ Մախաչովի հետ:

Նշենք, որ Ծառուկյանն անցկացրել է 25 մենամարտ, ունի 22 հաղթանակ, 3 պարտություն:

ՄՊՐԻԼԻ 15-ԻՅ ՍԿՍՎԵՅ ԵՎՐՈ-2024 ԽԱՂԵՐԻ ՏՈՍՄԵՐԻ ՎԱՃԱՌԸ



Ինչպես տեղեկացրել է Վրաստանի ֆուտբոլի ֆեդերացիան, ապրիլի 15-ից սկսվել է Եվրոպայի առաջնության տոմսերի վաճառքը՝ Եվրոպայի առաջնության տոմսեր հնարավոր կլինի ձեռք բերել ՌԻԵՖԱ-ի տոմսերի վեբհարթալից՝ <https://www.uefa.com/euro2024/ticketing/>

Վեբհարթակ մուտք գործելու համար անհրաժեշտ է ստեղծել անձնական էջ կամ, եթե կա, ստանալ այդ թույլտվությունը:

Տոմսերի գնման գործընթացի սկզբում՝ ՌԻԵՖԱ-ի վեբհարթակը ձեզ կտրամադրի հերթի համար: Վրաստանի ազգային հավաքականի խմբային փուլի յուրաքանչյուր հանդիպման համար՝ մեկ հաճախորդ հնարավորություն կունենա ձեռք բերել երկուական տոմս:

Վեբհարթակում հասանելի կլինեն տոմսերի չորս կատեգորիաներ՝ 200, 150, 60 եւ 30 եվրո արժեքով:

Յուրաքանչյուր հաճախորդ ունի 15 թույլ ցանկալի տոմսը ընտրելու եւ գնելու համար:

Հիշեցնենք, որ Վրաստանի ֆուտբոլի ազգային հավաքականը հունիսի 18-ին կհանդիպի Թուրքիայի հավաքականին, հունիսի 22-ին մեր մրցակիցը կլինի Չեխիան, իսկ հունիսի 26-ին կանցկացվի խմբային փուլի եզրափակիչ հանդիպումը՝ Պորտուգալիայի հետ:

ՅԻՇԱՏԱԿԻ ԽՈՍՔ

ՄԵՐՈՒԺԱՆ ՀԱՂՈՒՄՅԱՆ

Ծանր հիվանդությունից հետո մահացավ թբիլիսցի ճանաչված նկարիչ, մանրանկարիչ Մերուժան Հահույանը:

Մերուժան Հահույանը ծնվել է 1951 թվականին: Թբիլիսիի թիվ 93 հայկական դպրոցն ավարտելուց հետո, սովորել է Թբիլիսիի Գեղարվեստական ակադեմիայում, որն ավարտել է 1980 թվականին: 1992 թվականից նրա նկարները անհատական եւ խմբային ցուցահանդեսներով ցուցադրվել են Վրաստանում եւ արտասահմանյան տարբեր երկրներում: Նրա գործերը զարդարում են էջմիածնի Վեհարանը, Ստամբուլի հայոց Պատրիարքարանը, Վրաստանի, Հայաստանի, ԱՄՆ-ի, Ֆրանսիայի, Կանադայի, Իռլանդիայի, Հունաստանի, Ռուսաստանի եւ ուրիշ երկրների տարբեր հավաքածուներ:

Սյուրռեալիզմից մանրանկարչության հասած նկարիչը նորարարական իր հետքը թողեց վիրահայ արվեստում: Մերուժան Հահույանը բացառիկ արվեստագետներից էր, ով մանրանկարչությունը հանեց մատյաններից: Միջնադարում սա հանդգնություն կարող էր զնահատվել, մեր օրերում նրա առաջին զնահատողները հենց եկեղեցու հայրերը դարձան: Վազգեն Ա Ամենայն Հայոց Կաթողիկոսի օրհնությունը նրան թեւեր տվեց ու ոգեւորեց շարունակել նորարարական իր ճանապարհը:

Դեռ պատանի, Մերուժան Հահույանը առաջին մանրանկարները տեսել է Երեւանի Մատենադարանում: Այդ հանդիպումից հետո նա մկրտվում է, ու մանրանկարչությունը դառնում է նրա հոգու աղոթքի դրսևորումներից մեկը: Նա սկսում է ուսումնասիրել արվեստի այս բնագավառը, մասնակցում է Թբիլիսիում Վիկտոր Կրիվորոտովի սրբանկարչության դասընթացներին: 1988 թվականից նա նվիրվում է մանրանկարչությանը. նախ պատճեններ է անում, հետո՝ աստիճանաբար ծնվում են հեղինակային աշխատանքները: Նկարիչը փայլուն տիրապետում էր մանրանկարչության, սրբանկարչության պատմությանը, անասելի քնքշությամբ եւ անդրդվելի սիրով վերաբերվում կյանքին ու իր շրջապատին, իր Թբիլիսիին, իր Հայաստանին, Արցախին, իր եկեղեցուն, իր ընտանիքին, իր ընկերներին...

Հենց նրա անկեղծ սերն ու նվիրումն էին պայմանավորում շրջապատի վերաբերմունքը նրա հանդեպ: 2011 թվականին ստանձնելով Վրաստանի հայ նկարիչների միության նախագահի պարտավորությունները, կարճ ժամանակի ընթացքում նա համախմբեց Թբիլիսիի տարբեր տարիքի հայ եւ վրացի նկարիչներին, ստեղծեց նկարչության լեզվով երկխոսության եւ համագործակցության հարթակ:

Մերուժան Հահույանը Վրաստանի նկարիչների միության անդամ էր: Նա արժանացել է ՀՀ Սփյուռքի նախարարության «Վիլյամ Սարգսյան» հուշամեդալի, ՀՀ Մշակույթի նախարարության «Արվեստում ունեցած ավանդի համար» Ոսկե մեդալի:

Նա դեռ երկար կմնա իր տեղում՝ եկեղեցու գմբեթը պահող այն կողքին, իր ընտանիքում՝ սիրելի կնոջ, զույգ որդիների ու թոռների հետ, իր բարեկամների, իր ընկերների, իրեն ճանաչողների սրտերում՝ կրկնելով մույն խոսքերը. «Ես ձերն եմ եւ ես այստեղ եմ»:

Նրա աճյունն ամփոփվեց Թբիլիսիի գրողների եւ հասարակական գործիչների խոջիվանքի պանթեոնում:

ՄԻ ԽՈՒՄԸ ԸՆԿԵՐՆԵՐ

	1	2	3		4		5		6
7					8	9			
			10				11	12	
	13	14			15				
16				17					
			18			19	20	21	22
	23		24		25		26		
27						28			
			29		30	31			
32					33			34	35
			36				37		38
39				40	41			42	
			43				44		
45				46				47	

ԽԱՂԱՅՈՒՆ

ՀՈՐԻԶՈՆԱԿԱՆ. 7.Շռայլ ծախսող: 8.Հունգարացի ռեժիսոր Իշտվան ...: 10.Աչքի ճալուռ: 11.Հատապտուղ: 13.Չլիագործված մարդկանց կողմից՝ առանց օրինական դատավարության դատաստան: 15.Անգրագետ: 16.Միայն, գեթ: 17.Ֆրանսիացի դերասան ժան ...: 19.Տագարական չափ: 23.Գ.Ջոհրայի մովելներից: 26.Ֆրանսիացի փիլիսոփա ... Դիդրո: 27.Աչքերը՝ հայացքը սեւեռել մի բանի վրա: 28.Բարակ պարան, առասան: 29.Պանրի ջուր: 32.Ձավակ: 33.Լսել, գիտենալ: 36.Ե՛վ թե՛լի, ե՛ւ մագնիսական: 37.Թիթեռնածողիկների ընտանիքին պատկանող հատիկավոր բույս: 39.Տարբեր նյութեր մեջը պահելու խորունկ աման: 40.Վայոց ձոր: 42.Անտեղի: 43.Կոպիտ, բիրտ: 44.Մեծ համեղ: 45.Հացատեսակ: 46.Հին սկանդինավյան կառավարության միստ, հավաք: 47.Թիվ, բիծ:

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Շահան: 4.Շամիրամ: 11.Իսահակ: 12.Հունիս: 13.Գրաֆ: 14.Կուլա: 17.Ինֆ: 18.Արագ: 19.Իլիկ: 21.Ձի: 22.Ան: 24.Եսենին: 27.Յուրի: 28.Հարյուր: 30.Ուրախ: 32.Սուր: 33.Կենս: 34.Տրամվայ: 37.Սալթի: 41.Նրան: 42.Բար: 43.Իլիա: 44.Որ: 45.Ցանկալի: 48.Արդ: 49.Միկրո: 51.Դանթե: 52.Միր: 53.Անո: 54.Արտա: 55.Ապուլ: 56.Իքս: 57.Անի:

ՈՐԿԱՆՈՆԱԿԱՆ. 1.Շահնամ: 2.Հանում: 3.Նեկաֆե: 5.Միրիջանյան: 6.Իսան: 7.Րաֆֆի: 8.Սի: 9.Մարտին: 10.Մեկած: 15.Ուր: 16.Ազի: 20.Լարիսա: 23.Քարավան: 25.Սարգսյան: 26.Փարվանա: 28.Ուխտել: 29.Հեշտիա: 30.Ուկ: 31.Րե: 35.Մրո: 36.Վարպետ: 37.Սանդրա: 38.Արկ: 39.Բիլինա: 40.Իլիկո: 42.Բարի: 45.Ցանաք: 46.Ամատի: 47.Կարպ: 50.Որդի:

Գլխավոր խմբագիր՝ ՎԱՆ ԲԱՅԲՈՒԹՅԱՆ

Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԾԾԾԾԾԾ 0105, ՃԱՄԵՅԵՄԾԾ ՄՅՅԵ 5, ՄԵՐ ԽԱՍՏԵՆ ԹԵԽԻԼԻՍԻ 0105 Գ.ԱՅՐՈՆԵԼԻ Փ. 5

ԾՅԾԾ. Հեռ. 2990-739, 2990-774

www.vrastan.ge E-mail: vrastan.press@gmail.com

Գրանցման վկայական № 4 Կ - 1439

«ԿՈՆՈՐ» հրատարակչություն

«ՑԵԾԾԾԾ»

ՄԾԾԾԾԾ, ՆԱՅՅԵՄԾԾԾ

“ВРАСТАН”

Тбилиси, Грузия

<VRASTAN>

Georgia, Tbilisi

Индекс 66445